

Transparency International (TI) publikon Indeksin e Perceptimit të Korruptionit që nga viti 1995 dhe rendit çdo vit shtetet sipas nivelit të tyre të perceptuar të korruptionit, i cili përcaktohet nga vlerësimet e ekspertëve dhe anketave të opinionit.

Indeksi i Perceptimit të Korruptionit në përgjithësi e përcakton korruptionin si "keqpërdorimi i pushtetit publik për përfitimet private."

Në këtë pëmbledhje IPPM pasqyron një sintezë të dy raporteve të fundit të Transparency International: 'Njerëzit dhe Korruptioni: Europa dhe Azia Qëndrore 2016' dhe 'Lufta ndaj Korruptionit në Ballkanin Perëndimor dhe Turqi: Prioritet per Reforma'.

Përsa i përket Shqipërisë, anketat janë kryer nga grupi TNS Opinion (Kantar Public Brussels) sipas metodologjisë së intervistave individuale (face-to-face) mbi një grup të rastësishem prej 1500 individësh. Mbledhja e të dhënave zgjati nga data 30/01/2016 në datën 02/03/2016.

Figura 1.1: Përqindja e të intervistuarve që u përgjigjën se korruptioni/mitosja është një nga tre problemet kryesore në vend




Figura 1.2: Përqindja e të intervistuarve që u përgjigjën se pjesa më e madhe e anëtarëve të Parlamentit janë të korruptuar




Figura 1.3: Përqindja e të intervistuarve që u përgjigjën se Qeveria ka performuar keq në luftën kundër korruptionit




Figura 1.4: Përqindja e të intervistuarve të cilët, të paktën një herë, kanë paguar një ryshfet për të aksesuar sherbimet bazë



Rekomandime

Drejtësia dhe Sistemi i Zbatimit të Ligjit

Ulja e ndikimit të Ekzekutivit mbi Gjyqësorin dhe Prokurorinë duke siguruar një sistem më objektiv, transparent dhe meritokratik për emërimin, transferimin dhe shkarkimin e gjykatësve dhe prokurorëve.

Partitë politike në Parlament duhet të miratojnë reformën e drejtësisë me konsensus të gjërë ndërpartiak, duke siguruar, ndër të tjera, pavarësinë dhe përgjegjshmërinë e institucioneve gjyqësore dhe Prokurorisë.

Reduktimi i politizimit dhe forcimi i profesionalizmit të Policisë, duke përfshirë aplikimin e sanksioneve të repta për anëtarët e forcave të policisë të cilët angazhohen në veprimtari politik gjatë kryerjes së detyrave të tyre.

Rritja e kapacitetit të prokurorëve për trajtimin e rasteve komplekse të korruptionit.

Forcimi i bashkëpunimit ndërmjet organeve përgjegjëse për hetimin dhe ndjekjen penale të rasteve të korruptionit dhe përmirësimi i cilësisë së shkëmbimit të informacionit dhe të dhënave në lidhje me rastet e korruptionit.

Minimizimi i vonesave në rastet e korruptionit, sigurimi i arsyetimeve të qarta për rastet e mos-ndjekjes penale, dhe përcaktimi i një kohe maksimale, pas një ngjarje, brenda së cilës mund të iniciohet procedura ligjore).

Inspektorati Gjyqësor duhet të kryejë një inspektim tematik të gjykimeve të korruptionit si bazë për përmirësimin e praktikës gjyqësore në këtë aspekt.

Sistemi Politik

Përmirësimi në mënyrë të konsiderueshme i transparencës së partive politike, duke përfshirë auditimin e plotë dhe të rregullt të financave të partive.

Partitë politike duhet në mënyrë proaktive të publikojnë biografitë e plotë të kandidatëve të zgjedhjeve si dhe fondet dhe detajet e shpenzimeve, në interval të rregullta gjatë fushatës së ardhshme zgjedhore në 2017 dhe para ditës së zgjedhjeve.

Zhvillimi i mbikëqyrjes së fortë dhe më të koordinuar të aktiviteteve të partive politike dhe financave të tyre për të siguruar që shkeljet e rregullave elektorale dhe të fushatës të dënohen rregullisht.

Aplikimi i dënimive të repta për shpërdorimin e burimeve publike për fushata zgjedhore.

Sigurimi i integritetit të individëve që konkurrojnë për poste politike. Kontolle strikte mbi prejardhjen e kandidatit të zgjedhjeve dhe prezantim i kriterieve të përzgjedhjes që i japin peshë kontributit publik, shërbimit të komunitetit dhe arritjeve profesionale, duke luftuar trendin në rritle të biznesmenëve në politikë.

Media dhe Shoqëria Civile